

## Saksframlegg

Saksbehandlar: Adrian Husabø Bjørseth, Nærings- og kulturavdelinga  
Sak nr.: 18/367-2

### **Oppdragsbrev 2018 - Føringer for Innovasjon Norge Vestlandet sin verkemiddelbruk i Sogn og Fjordane 2018.**

#### **Fylkesdirektøren rår Hovudutval for næring og kultur til å gjere slikt vedtak:**

1. Hovudutval for næring og kultur godkjenner oppdragsbrev til Innovasjon Norge Vestlandet for 2018 slik det ligg føre i vedlegg 1.
2. Hovudutval for næring og kultur godkjenner retningsliner for arbeidsdeling i finansieringssaker for 2018 slik dei går fram av vedlegg 2.

#### **Vedlegg:**

1. Oppdragsbrev Innovasjon Norge Vestlandet 2018
2. Retningsliner for arbeidsdeling i finansieringssaker 2018

## **SAKSFRAMSTILLING**

### **1. Bakgrunn for saka**

Fylkestinget løyvde i budsjett 2018 (økonomiplan 2018-2021) 27,6 mill. kr. i rammeløyving til Innovasjon Norge for 2018. I denne saka skal hovudutval for næring og kultur vedta oppdragsbrevet til Innovasjon Norge Vestlandet.

### **2. Føringer for verkemiddelbruken**

#### **Bedriftsretta verkemiddel**

Fylkeskommunen nyttar Innovasjon Norge (IN) som operatør for den bedriftsretta satsinga. Midlane vert nytta som tilskot til bedrifter, påfyll av tapsfond i samband med utlån og til ordningar for etablerarar. Budsjettet er førande for verkemiddelbruken. Fylkeskommunen ønskjer at Innovasjon Norge i det bedriftsretta arbeidet tek ei aktiv rolle innafor satsingsområda i verdiskapingsplanen, og skildrar denne aktiviteten i si årlege rapportering. IN skal vidare ta ei aktiv rolle når det gjeld innovasjon og utvikling av ny teknolog, herunder arbeidet med digitalisering og robotisering. Eit skifte til grøn økonomi skal synleggjerast i IN sitt arbeide. Bedriftsretta initiativ som bygger opp under dette bør prioriterast. IN skal rapportere regelmessig tilbake til fylkeskommunen om desse søknadane. Når prosjekt vert finansiert av IN, skal det rapporterast om måloppnåing.

#### **Samfunnsansvar**

Fylkeskommunen ber Innovasjon Norge om å bidra til at potensiale for å auke konkurransevna gjennom auka fokus på samfunnsansvar, vert utnytta, og at miljøprofil vert vektlagt ved tildeling av støtte til næringslivet.

#### **Verdiskapingsplanen**

Regional plan for verdiskaping vart vedteken i juni 2014, og legg føringar for arbeidet fram til og med 2025. Hovudsatsingane innafør næringsutvikling i 2018 samsvarar med satsingar som er peika på i planprogrammet. Både fylkeskommunen og Innovasjon Norge må sikre nok handlingsrom til å følgje opp planen. Innovasjon Norge har fått ansvar for gjennomføring av arbeidet med «Kunnskapsintensive forretningsmessige tenesteytande næringar». Det er også viktig å koordinere innsatsen gjennom Innovasjon Norge med midlar forvalta av andre aktørar. Dette må avklarast nærare i styringsdialogmøta.

### **Hovudsatsingar**

Hovudsatsingane innan næringsutvikling i 2018 er dei same som i verdiskapingsplanen:

Næringsnøytrale satsingar

- Nyskaping
- Kunnskap

Bransjeorienterte satsingar

- Sjømatnæringane (havbruk og fiskeri)
- Fornybar energi
- Olje og gass
- Reiseliv
- Landbruk

Det er også vedteke ein industristrategi.

Verdiskapingsplanen vert rullert i løpet av 2018, og vi legg til grunn at Innovasjon Norge følgjer opp den rullerte verdiskapingsplanen.

Innovasjon Norge følgjer opp omstillingsarbeidet i Lærdal særskilt.

Fylkeskommunen ynskjer å stø initiativ knytt til det grønne skiftet. Det er viktig at Innovasjon Norge, gjennom å stø gode prosjekt, kan vere med å løyse ut denne satsinga.

### **Koordinering og rolledeling**

I utviklingsarbeidet må vi finne ein god balanse mellom den tilretteleggande aktiviteten som fylkeskommunen tek seg av, og dei bedriftsretta tiltaka gjennom Innovasjon Norge (lån, tilskot og etablerarstøtte). Innovasjon Norge har fagkunnskapen om bedriftsretta satsing. Oppdragsbrevet er difor ikkje altfor detaljert, og skal ikkje automatisk overstyre faglege vurderingar. Gråsonesaker skal drøftast i løpande dialog eller i styringsdialogmøte. Det er utarbeidd eit notat med klargjering av rolledelinga mellom IN sine bedriftsretta tiltak og fylkeskommunen sine tilretteleggande tiltak, prinsipp for arbeidsdeling og rolledeling i finansieringssaker mellom Innovasjon Norge og kommunane, og andre presiseringar i høve samarbeidet knytt til kommunalt næringsutviklingsarbeid. Notatet ligg ved.

### **Den regionale dialogen**

For å ivareta den regionale dialogen etter at dei regionale styra vart lagt ned er det ønskjeleg med politisk involvering gjennom hovudutval for kultur og næring. Dette let seg beste løyse ved at IN og verkemiddelpolitikken vert tema på eit hovudutvalsmøte ein gong for året.

### **Eigarrolla**

Eigarrolla som fylkeskommunen har andsynes Innovasjon Norge vert ikkje omtala her. Denne rolla vert teken i vare gjennom styringsdialogmøta, og i eige notat eller sak til hovudutvalet.

## **3. Tilråding**

1. Hovudutval for næring og kultur godkjenner oppdragsbrev til Innovasjon Norge Vestlandet for 2018 slik det ligg føre i vedlegg 1.
2. Hovudutval for næring og kultur godkjenner retningsliner for arbeidsdeling i finansieringssaker for 2018 slik dei går fram av vedlegg 2.